



Headlines

- मुख्मन्त्री उमर अब्दुल्ला होरें आखेआ ऐ जे वैशुणो देवी रोपवे परियोजना गी 2024 च एल.जी होरें मंजूरी दिती ही, काबिना नै नेई।
- मुख्मन्त्री होरें आखेआ ऐ जे सरकार जम्मू-कश्मीर लेई केई बड्डिएं पानी सप्लाई परियोजनाएं पर कम्म करा'रदी ऐ।
- उपमुख्मन्त्री सुरिंद्र चौधरी होरें दस्सेआ ऐ जे सरकार कठुआ दे हाड प्रभावत बागडा ग्रांस दे परिवारें गी 5-5 मरले जिमी देने पर विचार करा'रदी ऐ।
- जगलात मंत्री जावेद राणा होरें पूरे जम्मू-कश्मीर च ईमारती लकड़ी दी सुद्दी दस्तयाबी ते सप्लाई दा जकीन दोआया ऐ।
- जम्मू-कश्मीर दे कई सारे इलाकें च अज्ज हल्की बरखा ते बफबरी दे असारा।



CM-Ropeway

मुख्मन्त्री उमर अब्दुल्ला होरें अज्ज साफ-साफ आखेआ जे श्री माता वैशुणो देवी मंदिर ताई रोपवे परियोजना गी 2024 च लेफिटनेंट गवर्नर होरें मंजूरी दिती ही न के प्रदेश मंत्रिमंडल या प्रशासनिक परिषद नै। विधानसभा च रिकार्ड गी दुरूस्त रखदे होई मुख्मन्त्री होरें आखेआ जे उनें आपुं इस मामले च सरकारी रिकार्ड दी पडताल कीती ऐ। जनाब उमर अब्दुल्ला होरें आखेआ

तोआई, कटडा च प्रस्तावित रोपवे प्रोजेक्ट खलाफ बरोध प्रदर्शन कीता गेआ जेदे च प्रदर्शनकारियें सख्त एतराज जताया ते चेतावनी दिती जेकर इस स्कीम गी नेई परताया गेआ ते ओहू लगातार आंदोलन करडन। आकाशवाणी दे जम्मू संवाददाता दी रिपोर्ट ऐ जे प्रदर्शन च शामिल लोकें आरोप लाया जे मकामी लोकें दियें चिंताएं-परेशानिएं गी विजन सेई तरीके कन्नै हल कीते दे प्रोजेक्ट गी अगुै बधायया जा'रदा ऐ।



CM Water Supply

मुख्मन्त्री उमर अब्दुल्ला होरें अज्ज आखेआ जे सिंधु जल समझौते कन्नै जुडे दे हालिया घटनाक्रमें मगरा जम्मू-कश्मीर सरकार केंद्र सरकार कन्नै रलिये लम्में चिरै आहली पानी सप्लाई करने आहलियें जरूरी मुख्मन्त्री

परियोजनाएं पर कम्म करा करदी ऐ। इन्दे च सोपोर च तुलबुल नेविगेशन वैराज ते जम्मू दी भविक्ख दियें जरूरतें गी पूरा करने आस्तै अखनूर च चनाब थमां पानी गी पंप रायं कडुने दी तजवीज शामिल ऐ। मुख्मन्त्री होरें अज्ज विधानसभा च नेकें विधायकें आसेआ पुट्टे गेदे पूरक सोआलें दरान दखल दिंदे होई एहू गल्ल आक्खी। मुख्मन्त्री होरें आखेआ

उनें चेता दोआया जे साड़ी पिछली सरकार दे कार्जकाल दरान अखनूर च चनाब थमां जम्मू तगर पानी लेआने दा इरादा हा।

<><><><><><>

Dy CM Plots

उपमुख्मन्त्री सुरिंद्र चौधरी होरें अज्ज आखेआ जे सरकार कठुआ जिले दे बागरा ग्रांस च 16 ते 17 अगस्त 2025 दी राती चानचक्क आए दे हाडें कन्नै प्रभावित परोआरें गी 575 मरले दे प्लाट देने पर बचार करा करदी ऐ। श्री चौधरी होर अज्ज विधानसभा च विधायक डॉ. भारत भूषण हुं'दे आसेआ पुट्टे गेदे इक सोआल दा मुख्मन्त्री हुं'दे आसेआ परता देआ करदे हे। उपमुख्मन्त्री होरें आखेआ जे S.D.R.F दे नियमें मताबक हाडें च जान मोआने आहलें दे परोआर आहलें गी 4-4 लक्ख रुपें दी सींधी सहायता दिती गेई ते सी.एम फंड शा बी 2-2 लक्ख रुपे जारी कीते गए। उपमुख्मन्त्री होरें आखेआ

<><><><><><>

OPOP-Fest

जम्मू च इक जबरदस्त ते शानदार बपारिक गतिविधि ते एहूदे च लोकें दी जोशीली हिसेदारी दिक्खने गी लब्बी। जम्मू दे कन्वेंशन सेंटर च इक जिला इक उत्पाद ओ.डी.ओ.पी फेस्ट ते बिक्रेता-खरीददार दी मलाटी आहले कार्जक्रम दा सरिस्ता कीता गेआ। कार्जक्रम दा उद्घाटन उपमुख्मन्त्री सुरिंद्र चौधरी होरें कीता। एहूदे च देस भरै थमां कारीगर, उद्यमी ते खरीदार इक्के मंच पर किट्टे आए। ओ.डी.ओ.पी पहल तैहत जम्मू-कश्मीर ट्रेड प्रमोशन आर्गनाइजेशन आसेआ लोआए गेदे इस फेस्ट दा मकसद जम्मू-कश्मीर दे बक्ख-बक्ख जिलें दियें टकोह्दियें चीजें-बस्तें गी राश्ट्री ते वैश्विक बजार कन्नै जोडना हा। भारत दे बक्ख-बक्ख हिस्सें हिस्सें थमां 25 शा बहू खरीदारें कन्वेंशन सेंटर च स्टाल लाए ते केंद्र शासित प्रदेश थमां नूठे ते टकोह्दे उत्पाद खरीदने च अपनी दिलचस्पी दस्सी।

<><><><><><>

Cricket Football Trials

जम्मू-कश्मीर खेड्डू परिशद नै कुल भारती सिविल सर्विसेज क्रिकेट टूर्नामेंट 2025-26 च हिस्सा लैने ताई प्रदेश दी क्रिकेट टीम बनाने आस्तै ओपन सलेक्शन ट्रायल्स दा ऐलान कीता ऐं आकाशवाणी दे जम्मू संवाददाता दी रिपोर्ट ऐ जे विज्ञप्ति मुजब टीम च 16 खडारी ते 2 अधिकारी होडन जेडे राश्ट्री सतह दे टूर्नामेंट च जम्मू-कश्मीर दी नुमायंदगी करडन। ट्रायल्स कल 11 फरवरी गी दपैहरी 1 बजे थमां मौलाना आजाद स्टेडियम जम्मू च होडन।

तोआई, जम्मू-कश्मीर खेडू परिशद नै अंडर-17 नौजोआनें लेई खेलो इंडिया तैहत फुटबाल टीम लेई ताल आस्तै बी ट्रायल्स दी घोशणा कीती। एह ट्रायल्स कल 11 फरवरी 2 बजे फुटबाल मैदान जे.के.एस.सी खेडू परिसर पोलो व्यू श्रीनगर च होडन।

<><><><><><>

Rana-Timber

जंगलात ते पर्यावरण मैहकमे दे मंत्री जावेद अहमद राणा होरें अज्ज परतियै आखेआ जे जंगलात मैहकमे दे सभनें सीगे बश्कार बेहतरीन तालमेल ऐ ते योग्य लाभार्थियें गी नियमित तोरा पर ईमारती लकड़ी दी सप्लाई कीती जा करदी ऐ। मंत्री होरें एह गल्ल अज्ज विधानसभा च एम.एल.एम खुर्शीद अहमद शेख हुं'दे आसेआ पुट्टेगेदे सोआले दा परता दिंदे होई आक्खी। जनाब राणा होरें आखेआ जे जे.के.एफ.डी.सी ते मैहकमे दे दुए सीगे बश्कार लकड़ी दे स्टाक गी कडुने ते लाभार्थियें च एहदी तकसीम लेई सेई तालमेल ऐ। मंत्री होरें दस्सेआ जे मैहकमा सरकारी नीतियें मताबक गाहकें गी ईमारती लकड़ी सप्लाई करदा ऐ ते टकोहदे लाहकारी ए.ए.वाई गी नियमित तौरा पर किफायती दरें पर ईमारती लकड़ी सप्लाई करा करदा ऐ।

<><><><><><>

Safer Internet Day

पुंछ च टेकनोलॉजी ते आर्टिफिशियल इंटेलीजेंस दे जिम्मेदार इस्तेमाल गी बढ़ावा देने पर टकोहदा ध्यान दिंदे होई सुरक्षित इंटरनेट दिवस मनाया गेआ। स्मार्ट टेक. सेफ चायस सिरलेख कन्नै लोआए गेदे इस कार्जक्रम दी प्रधानता पुंछ दे डी.सी अशोक कुमार शर्मा होरें कीती। कार्जक्रम च मौके पर मौजूद ते वर्चुअली तकरीबन 13 जहार लोकें हिस्सा लैता। दिन भर चले दे इस कार्जक्रम दा मकसद इंटरनेट गी सुरक्षित ते जिम्मेदाराना ढंग कन्नै इस्तेमाल करने दे महत्व बारै जागरूकता बढ़ाना हा। इस सरबंधे च होर मती जानकारी दिंदे होई उपायुक्त अशोक कुमार शर्मा होरें आखेआ

<><><><><><>

Medical Camp Udh.

सी.आर.पी.एफ दी 137 बटालियन ब्रैवो कंपनी आसेआ अपने सिविक एक्शन कार्यक्रम तैहत उधमपुर जिले दी नारसू पंचैत दे ध्रमथाल ग्रांस च इक मुफ्त डाक्टरी कैंप दा सरिस्ता कीता गेआ। कैंप च मकामी लोक बड़ी बढ़ गिनतरी च अपनी सेहत जांच करोआने लेई उत्थे आए जिंदे च बच्चे, महिलां, नौजवान ते बुजुर्ग बी शामिल हे। माहिर डॉक्टरें उंदी सेहत जांच कीती ते आम बमारिएं कोला बचा आस्तै उनेंगी डॉक्टरी सलाह बी दित्ती गेई। लोकें गी साफ-सफाई बनाई रखने ते नरोई सेहत लेई जरूरी एहतियात बारै बी जानकारी दित्ती गेई। इस कैंप बारै जानकारी दिंदे होई 137 बटालियन दे कमांडेंट मनोज कुमार सिक्कोन होरें आखेआ

मकामी लोकें मेडिकल कैंप लोआने पर सी.आर.पी.एफ दा आभार प्रगट कीता। कैंप दा अनुभव सांझा करदे होई उर्थुं दे इक बसनीक जीत केरनी

<><><><><><>

Kisan Mela

11 कोला 13 फरवरी तगर शेर-ए-कश्मीर एग्रीकल्चर युनिवर्सिटी जम्मू च लग्गने आहले कृषि सम्मेलन ते करसान मेले लेई कृषि विज्ञान केंद्र पुंछ आसेआ जिले दे 50 करसानें गी जम्मू भेजेआ ऐ। इस करसान मेले च शामिल होने कन्नै इनें करसानें गी राईबाई दे क्षेत्र च नमिएं तकनीकें, ढंग-सरिस्तें ते नमें-नमें अविष्कारें दे बारै च पता लग्गोग जिनेंगी अपनाइयै घट्ट लागत च फसलें थमां मता ते म्यारी झाड़ हासल कीता जाई सकदा ऐ। इस बारै जानकारी दिंदे होई कृषि विज्ञान केंद्र पुंछ दे इक साइंसदान मुजफ्फर मीर होरें दस्सेआ

<><><><><><>

Weather

पश्चमी बाएं च बनी दी इक कमजोर खोदल करियै प्रदेश च नेकें थाहें पर हल्की बरखा ते बर्फबारी होई सकदी ऐ। आकाशवाणी दे जम्मू संवाददाता नै दस्सेआ ऐ जे मैहकमा मौसम दी इक्क रिपोर्ट मताबक 20 फरवरी तगर मती बरखा या फही बर्फबारी दा कोई सार नेई ऐ। उआं अज्ज उप्परले इलाकें सने मते सारे इलाकें च हल्की बर्फबारी ते बरखा बरी सकदी ऐ। मैहकमे नै आखेआ जे 11 फरवरी थमां 20 फरवरी तगर मौसम आमतौरा पर खुशक बने रौहने दे सार ना।

<><><><><><>